

1. Աստված էիր, բայց մարդացար,
 Մարմին հագար ու ցածրացար,
 Թողիր փառքդ աստվածության,
 Իջար, Հիսուս, մեզ օգնության:

Խաչվեցիր մեզ համար,
 Տանջվեցիր մեզ համար,
 Սուրբ արյուն թափեցիր
 Մարդկության համար:

2. Աստված էիր, խոնարհվեցիր,
 Մարդկանց կողմից անարգվեցիր,
 Մեր մեղքերով պատժվեցիր
 Եվ արյան մեջ շաղախվեցիր:

3. Եկար աշխարհ մեզ զատելու,
 Արյունովդ մեզ մաքրելու,
 Վերքերովդ բժշկելու,
 Սերդ միայն մեզ հայտնելու: